



春秋公羊傳

昭公

元年春王正月公即位

酌左穀作弱
石左穀作齊
軒左穀作罕
鄭左作號穀
作郭

叔孫豹會晉趙武楚公子圍齊國酌宋向戌衛石
惡陳公子招去聲蔡公孫歸生鄭軒虎許人曹人于漵

此陳侯之弟招也何以不稱弟貶曷為貶為殺
世子偃師貶曰陳侯之弟招殺陳世子偃師大
夫相殺稱人此其稱名氏以殺何言將自是弑
君也今將爾詞曷為與親弑者同君親無將將

妙解

而必誅焉。然則曷為不於其弑焉。貶以親者弑。然後其罪惡甚。春秋不待貶絕而罪惡見者。不貶絕以見罪惡也。貶絕然後罪惡見者。貶絕以見罪惡也。今招之罪已重矣。曷為復貶乎。此著招之有罪也。何著乎招之有罪。言楚之託乎討招以滅陳也。殺偃師。此八年事。舉八年經文。據殺偃師。猶不貶也。世子者。君之副貳。今而殺之。明其從是以後。有弑君之心。故稱其名氏。不作兩下相殺辭矣。欲弑君。故令與弑君而立者同文。

三月取運

運者何。內之邑也。其言取之何不聽也。

不聽者。叛也。

夏秦伯之弟鍼其蘇出奔晉

秦無大夫。此何以書。仕諸晉也。曷為仕諸晉。有千乘之國而不能容其母弟。故君子謂之出奔也。仕諸晉也者。為仕之於晉書也。弟賢。當任用之。不肖。當安處之。乃仕之他國。與逐之無異。故云出奔。

六月丁巳。邾婁子華卒。

晉荀吳帥師敗狄于大原。

此大鹵也。曷為謂之大原。地物從中國。邑人名

原左作鹵

從主人原者何。上平日原。下平日隰。古史文。及夷狄之人。皆謂之大鹵。而今經與師讀。皆謂之大原。故難之。地物從中國者。以中國形名言之。所以曉中國。教殊俗也。此地形勢。高大而廣平。故謂之大原云。邑人名從主人者。不若地物有形名可得正。故從夷狄辭言之。

秋莒去疾自齊入于莒。

莒展出奔吳。

叔弓帥師疆運田。

疆運田者何。與莒為竟也。與莒為竟。則曷為帥

師而往。畏莒也。

與莒為竟。若言與莒人造作竟界。

左展下有與字

卷音權左作慶二小傳本亦有作慶者

葬邾婁悼公。

冬十有一月己酉。楚子卷卒。

楚公子比出奔晉。

二年春。晉侯使韓起來聘。

夏。叔弓如晉。

秋。鄭殺其大夫公孫黑。

冬。公如晉。至河乃復。

其言至河乃復。何不敢進也。

季孫宿如晉。

泉左穀作原

三年春王正月丁未滕子泉卒

夏叔弓如滕五月葬滕成公

秋小邾婁子來朝

八月大雩

冬大雨雹

北燕伯款出奔齊

四年春王正月大雨雪

夏楚子蔡侯陳侯鄭伯許男徐子滕子頓子胡子

沈子小邾婁子宋世子佐淮夷會于申

楚人執徐子

秋七月楚子蔡侯陳侯許男頓子胡子沈子淮夷

伐吳執齊慶封殺之

此伐吳也其言執齊慶封何為齊誅也其為齊誅奈何慶封走之吳吳封之於防然則曷為不言伐防不與諸侯專封也慶封之罪何脅齊君而亂齊國也

遂滅厲

九月取郟

厲如字又音賴左作賴

其言取之何、滅之也、滅之、則其言取之何、內大惡諱也、

冬十有二月、乙卯、叔孫豹卒、

五年、春、王正月、舍中軍、

△舍中軍者何、復古也、然則曷為不言三卿五亦

有中、三亦有中、

此解襄十一年作三軍意。作時益中軍。不言中軍者。五亦有中。

三亦有中。不知何中也。今此據上作三軍不言中。則益三之中。舍三之中。皆可知也。

楚殺其大夫屈申、

公如晉、

襄十一年傳三軍者何三卿也則知此言三卿猶三軍也問若云曷為不言舍三軍而言舍中軍爾

△夏、莒牟夷以牟婁及防茲來奔、

△莒牟夷者何、莒大夫也、莒無大夫、此何以書重

地也、其言及防茲來奔、何、不以私邑累公邑也、

累、次也。義不可使臣邑與君邑相次序。故言及以絕之。

秋、七月、公至自晉、

戊辰、叔弓帥師敗莒師于潰泉、

潰泉者何、直泉也、直泉者何、涌泉也、

蓋戰而涌為異也

秦伯卒、

何以不名、秦者、夷也、匿嫡之名也、其名何、嫡得

潰扶粉反左作蚡穀作奇

之也。匿嫡之名者。嫡子生。以不名令於四竟。擇勇猛者而立之。其名何者。拂秦伯。營秦伯。稻名。獨營稻以嫡得立也。

冬、楚子、蔡侯、陳侯、許男、頓子、沈子、徐人、越人、伐吳。
六年、春、王、正月、杞、伯、益、姑、卒。

葬、秦、景、公。

夏、季、孫、宿、如、晉。

葬、杞、文、公。

宋、華、合、比、出、奔、晉。

秋、九、月、大、雩。

比如字又毗志反

願左穀作羅

楚、薳、頗、帥、師、伐、吳。

冬、叔、弓、如、楚。

齊、侯、伐、北、燕。

七、年、春、王、正、月、暨、齊、平。

三、月、公、如、楚。

叔、孫、舍、如、齊、莅、盟。

夏、四、月、甲、辰、朔、日、有、食、之。

秋、八、月、戊、辰、衛、侯、惡、卒。

九、月、公、至、自、楚。

舍左穀作媯

冬十有一月癸未季孫宿卒

十有二月癸亥葬衛襄公

八年春陳侯之弟招殺陳世子偃師

夏四月辛丑陳侯溺卒

叔弓如晉

楚子執陳行人于徵師殺之

陳公子留出奔鄭

秋蒐于紅

蒐者何簡車徒也何以書蓋以罕書也

蒐所苗反本亦作廋

陳人殺其大夫公子過

大雩

冬十月壬午楚師滅陳執陳公子招放之于越殺

陳孔瑗

葬陳哀公

九年春叔弓會楚子于陳

許遷于夷

夏四月陳火

陳已滅矣其言陳火何存陳也曰存陳惴矣曷

陳火於既滅之後特書火以存之者甚微故為可悲

獲具縛反又居碧反

晉左穀作齊
隱左穀作意

戌左穀作戍

為存陳滅人之國執人之罪人殺人之賊葬人之君若是則陳存悌矣。書火以存陳者若曰陳也。孔瑗。弑君賊也。

秋仲孫獲如齊

冬築郎囿

十年春王正月

夏晉欒施來奔

秋七月季孫隱如叔弓仲孫獲帥師伐莒

戊子晉侯彪卒

九月叔孫舍如晉葬晉平公

十有二月甲子宋公戌卒

十有一年春王正月叔弓如宋葬宋平公

夏四月丁巳楚子虔誘蔡侯般殺之于申

楚子虔何以名絕曷為絕之為其誘討也此討

賊也雖誘之則曷為絕之懷惡而討不義君子

不予也

般弑父而立使不自知而死故加誘左氏傳云醉而殺之是也

楚公子棄疾帥師圍蔡

五月甲申夫人歸氏薨

大蒐于比蒲。

大蒐者何簡車徒也何以書蓋以罕書也。

仲孫矍會邾婁子盟于侵羊。

秋季孫隱如會晉韓起齊國酌宋華亥衛北宮佗

鄭軒虎曹人杞人于屈銀。

九月己亥葬我小君齊歸。

齊歸者何昭公之母也。

歸氏胡女襄公夫人初至不書蓋為世子時娶

冬十有一月丁酉楚師滅蔡執蔡世子有以歸用

之。

侵羊左穀作殺祥

屈銀左穀作厥愁

有穀作友

簡淨

語意俱精

此未踰年之君也其稱世子何不君靈公不成

其子也不君靈公則曷為不成其子誅君之子

不立非怒也無繼也惡乎用之用之防也其用

之防奈何蓋以築防也。

靈公即般坐弑父誅不得為君也怒遷怒義見

莊四年傳無繼者父誅子當絕也用之防持其足以頭築防也惡不以道

十有二年春齊高偃帥師納比燕伯于陽。

伯于陽者何公子陽生也子曰我乃知之矣在

側者曰子苟知之何以不革曰如爾所不知何

春秋之信史也其序則齊桓晉文其會則主會

寡數語姿態橫生

奇甚

章法若斷若續絕響

闕疑矣以
定乎信焉
者猶之闕
也慎哉
注亦奇

者為之也。其詞則丘有罪焉爾。子謂孔子乃乃
是歲也。時孔子
年二十三。具知其事。後作春秋。案史記。知公誤
為伯。子誤為于。陽在生刊。革更也。唯齊桓晉文
會。能以德優劣。國大小。相次序。非齊桓晉文。則
知主會者為之。雖優劣大小相越。不改更信史
也。其貶絕譏刺之辭。有所失者。是
丘之罪。聖人德盛尚謙。故云爾。

三月壬申鄭伯嘉卒

夏宋公使華定來聘

公如晉至河乃復

五月葬鄭簡公

楚殺其大夫成然

然左作熊
穀作虎一
作成虞

秋七月

冬十月公子整出奔齊

整或作愨
左穀作愨

楚子伐徐

晉伐鮮虞

十有三年春叔弓帥師圍費

夏四月楚公子比自晉歸于楚弑其君虔于乾谿

谿穀作溪

句勁

此弑其君其言歸何歸無惡於弑立也歸無惡

於弑立者何靈王為無道作乾谿之臺三年不

成楚公子棄疾脅比而立之然後令于乾谿之

亦簡鍊有
法

△弑左穀作殺

善論

役曰比已立矣後歸者不得復其田里衆罷而去之靈王經而死歸者出入無惡之文今君弑而言歸故難之也。比本無弑君而立之意。所以書其歸者。正以弑虐之時。比無惡也。

楚公子棄疾弑公子比

△比已立矣其稱公子何其意不當也其意不當則曷為加弑焉爾比之義宜乎效死不立大夫相殺稱人此其稱名氏以弑何言將自是為君也。二十三年秋尹氏立王子朝尹氏貶子朝不貶者年未滿十歲未知欲富貴不當坐然則子朝之意與此相似子朝不貶而比加弑故難之也將自是為君故使與弑君而立者同文

秋公會劉子晉侯齊侯宋公衛侯鄭伯曹伯莒子邾婁子滕子薛伯杞伯小邾婁子于平丘八月甲戌同盟于平丘公不與盟晉人執季孫隱如以歸公至自會

△公不與盟者何公不見與盟也公不見與盟大

夫執何以致會不恥也曷為不恥諸侯遂亂反陳蔡君子不恥不與焉。諸侯將征棄疾棄疾乃封陳蔡之君使說諸侯

諸侯從陳蔡之君言還反不復討楚楚亂遂成故云爾

蔡侯廬歸于蔡陳侯吳歸于陳

反陳蔡是中國得志事反於既遂亂之後猶納賂也是以不恥不與諸侯遂亂反陳蔡七字為句

△此皆滅國也其言歸何不與諸侯專封也

冬十月葬蔡靈公

公如晉至河乃復

吳滅州來

十有四年春隱如至自晉

三月曹伯滕卒

夏四月

秋葬曹武公

八月莒子去疾卒

冬莒殺其公子意恢

十有五年春王正月吳子夷昧卒

二月癸酉有事于武宮籥入叔弓卒去樂卒事

其言去樂卒事何禮也君有事于廟聞大夫之

喪去樂卒事大夫聞君之喪攝主而往大夫聞

大夫之喪尸事畢而往卒事畢竟祭事也主謂

往不廢祭者古禮也禮大夫祭謂之

賓尸尸事畢而往賓尸事畢而往也

夏蔡昭吳奔鄭

六月丁巳朔日有食之

昧左穀作未

昭左穀作朝左穀吳下有出字

秋晉荀吳帥師伐鮮虞

冬公如晉

十有六年春齊侯伐徐

曼音蠻左
穀作蜜

楚子誘戎曼子殺之

楚子何以不名夷狄相誘君子不疾也曷為不疾若不疾乃疾之也以為固當然者乃所以為惡也

微旨

夏公至自晉

秋八月己亥晉侯夷卒

九月大雩

季孫隱如如晉

冬十月葬晉昭公

十有七年春小邾婁子來朝

夏六月甲戌朔日有食之

秋邾子來朝

賁左穀作
陸左渾下
有之字

八月晉荀吳帥師滅賁六渾戎

冬有星孛于大辰孛

孛息遂反
又四歲反

孛者何彗星也其言于大辰何在大辰也大辰者何大火也大火為大辰伐為大辰北辰亦為

大辰何以書記異也。三字皆發問者。或言入。或言于。或言方。嫌為字異。猶問錄之。大火謂心也。伐謂參伐也。伐在參旁。與參連體而六星。故言參伐。伐與參為一候。故也。大火與伐。天所以示民時早晚。天下所取正。故謂之大辰。辰時也。北辰北極。天之中也。常居其所。迷惑不知東西者。須視北辰以別心。伐所在。故加亦。亦者兩相須之意。

楚人及吳戰于長岸。
詐戰不言戰。此其言戰何敵也。俱無勝負。不可言敗。故言戰。

十有八年春。王三月。曹伯須卒。

夏五月壬午。宋衛陳鄭災。

何以書記異也。何異爾。異其同日而俱災也。外

異不書。此何以書。為天下記異也。

六月。邾婁人入郟。

秋。葬曹平公。

冬。許遷于白羽。

十有九年春。宋公伐邾婁。

夏五月戊辰。許世子止弑其君買。

巳卯地震。

秋。齊高發帥師伐莒。

冬。葬許悼公。

郟音馬又音矩

清室滌宕
夏楚如入
異境

奇甚
聽止赦止
立論甚奇

鄭穀作
鄭音夢又
亡忠反又
亡貢反一
音亡增反
者

賊未討何以書葬不成于絀也曷為不成于絀

止進藥而藥殺也止進藥而藥殺則曷為加絀

焉爾譏子道之不盡也其譏子道之不盡奈何

曰樂正子春之視疾也復加一飯則脫然愈復

損一飯則脫然愈復加一衣則脫然愈復損一

衣則脫然愈止進藥而藥殺是以君子加絀焉

爾曰許世子止絀其君買是君子之聽止也葬

許悼公是君子之赦止也赦止者免止之罪辭

也時悼公病止進藥悼公飲藥而死也樂正子春會子弟于脫然疾除貌言消息得其節也

聽止者聽治止罪赦止者原止本欲愈父之病無害父之意故赦之

二十年春王正月

夏曹公孫會自鄭出奔宋

△奔未有言自者此其言自何畔也畔則曷為不

言其畔為公子喜時之後諱也春秋為賢者諱

何賢乎公子喜時讓國也其讓國奈何曹伯廬

卒于師則未知公子喜時從與公子負芻從與

或為主于國或為主于師公子喜時見公子負

芻之當主也遂巡而退賢公子喜時則曷為為

惡惡並如
字一讀上
惡鳥路反

輒左作繫

寧左穀作
寧

廬左穀作
廬

畔左穀作
叛

瘞在禾反
左穀作輒

朱穀作東

會諱君子之善善也長惡惡也短惡惡止其身
曹伯廬卒
善善及子孫賢者子孫故君子爲之諱也
在成十三年喜時曹伯廬弟負芻喜時庶兄古者諸侯師出世子率輿守國次宜爲君者持棺絮從所以備不虞或時疾病相代行本史文不具故傳疑之
秋盜殺衛侯之兄輒

母兄稱兄兄何以不立有疾也何疾爾惡疾也

冬十月宋華亥向甯華定出奔陳

十有一月辛卯蔡侯廬卒

二十有一年春王三月葬蔡平公

夏晉侯使士鞅來聘

宋華亥向甯華定自陳入于宋南里以畔

宋南里者何若曰因諸者然

因諸者齊故刑人之地公羊子齊人

故以齊喻也周曰因諸齊曰因諸

秋七月壬午朔日有食之

八月乙亥叔痤卒

冬蔡侯朱出奔楚

公如晉至河乃復

二十有二年春齊侯伐莒

森左穀作
間

宋華亥向甯華定自宋南里出奔楚

大蒐于昌茲

夏四月乙丑天王崩六月叔鞅如京師葬景王
王室亂

何言乎王室亂言不及外也

宮謂之室。刺周室之微。邪庶並篡。無

諸侯之助。匹夫之救。如一家之亂也。變京師成周言王室者。正王以責諸侯也。

劉子單子以王猛居于皇

其稱王猛何當國也

未踰年當稱子。時欲當王者位。故稱王猛。見當國也。

秋劉子單子以王猛入于王城

王城者何西周也其言入何篡辭也

時雖不入成周。已得

京師地半。稱王置官。自號西周。不言西周者。正無二京師也。春秋之義。立納入皆為篡辭。故此

謂入為篡辭矣。

冬十月王子猛卒

此未踰年之君也其稱王子猛卒何不與當也

不與當者不與當父死子繼兄死弟及之辭也

據子卒。不言名。外未踰年君。不當卒。故問也。春秋篡成者。皆與使當君之父死子繼。兄死弟及

者。篡所緣得位成爲君辭也。猛未悉得京師。未得成王。又外未踰年君。三者皆不當卒。卒又名

者。非與使當成爲君也。

故用拙句
有態

十有二月癸酉朔日有食之

二十有三年春王正月叔孫舍如晉

癸丑叔鞅卒

晉人執我行人叔孫舍

晉人圍郊

郊者何天子之邑也曷為不繫于周不與伐天子也

夏六月蔡侯東國卒于楚

秋七月莒子庚輿來奔

父穀作甫
極左作逞
穀作盈

戊辰吳敗頓胡沈蔡陳許之師于雞父胡子髡沈

子楹滅獲陳戶雅五結夏齧

此偏戰也曷為以詐戰之辭言之不與夷狄之

主中國也然則曷為不使中國主之中國亦新

夷狄也其言滅獲何別君臣也君死于位曰滅

生得曰獲大夫生死皆曰獲不與夷狄之主中

國則其言獲陳夏齧何吳少進也春秋之例偏戰者日詐戰

者月今此書日而從詐戰辭言敗故問之也序上言戰別客主人直不直也主人直則主序上若客直則客序上今吳人序其上而言戰則是吳人為主中國之辭不得言戰直言敗而已故

曰。不與夷狄之主中國也。中國所以異於夷狄者。以其能尊尊也。王室亂。莫肯救。君臣上下壞亂。亦新有夷狄之行。故不使主之。吳能結日偏戰。行少進。故從中國辭治之言。獲也。

天王居于狄泉

此未三年其稱天王何。著有天子也。時庶孽並篡。天王失

位徙居。微弱甚。故急著正其號。明天下當救其難而事之。

尹氏立王子朝

八月乙未地震

冬公如晉至河公有疾乃復

何言乎公有疾乃復殺恥也。因有疾以殺畏晉之恥

左有上無公字

二十有四年春王二月丙戌仲孫纁卒

左穀無叔孫字

夏五月乙未朔日有食之

秋八月大雩

丁酉杞伯鬱釐卒

鬱左穀作郁今本亦有作御者釐音來又如字

冬吳滅巢

葬杞平公

二十有五年春叔孫舍如宋夏叔倪會晉趙鞅宋樂世心衛北宮喜鄭游吉曹

倪音詣又五兮反左作詣世如

字一音以制反左穀作大

鶴左作鶴

人邾婁人滕人薛人小邾婁人于黃父

有鶴權欲來巢

何以書記異也何異爾非中國之禽也宜穴又

巢也宜穴反巢者自下居上之徵

秋七月上辛大雩季辛又雩

又雩者何又雩者非雩也聚衆以逐季氏也

九月己亥公孫于齊次于揚州齊侯唁公于野井

唁公者何昭公將弑季氏告子家駒曰季氏為

無道僭於公室久矣吾欲弑之何如子家駒曰

諸侯僭於天子大夫僭於諸侯久矣昭公曰吾

何僭矣哉子家駒曰設兩觀乘大路朱干玉戚

以舞大夏八佾以舞大武此皆天子之禮也且

夫牛馬維婁委已者句法也而柔焉季氏得民衆久

矣君無多辱焉昭公不從其言終弑而敗焉走

之齊齊侯唁公于野井曰奈何君去魯國之社

稷昭公曰喪人不佞失守魯國之社稷執事以

羞再拜顙慶子家駒曰慶子免君於大難矣子

家駒曰臣不佞陷君於大難君不忍加之以鉄

際平整耳

一語妙絕似憤似駭其文亭

此一轉抉起有勢

此文絕似禮而奇過之

臧他項反
又大項反

鑽賜之以死。再拜頹。高子執篋，食與四脰。脯國子執壺漿曰：「吾寡君聞君在外，餒饗未就，敢致糗于從者。」昭公曰：「君不忘吾先君，延及喪人，錫之以大禮，再拜稽首，以祗受。」高子曰：「有夫不祥，君無所辱大禮。」昭公蓋祭而不嘗。景公曰：「寡人有不腆先君之服，未之敢服，有不腆先君之器，未之敢用，敢以請。」昭公曰：「喪人不佞，失守魯國之社稷，執事以羞，敢辱大禮，敢辭。」景公曰：「寡人有不腆先君之服，未之敢服，有不腆先君之器，未之敢用，敢以請。」昭公曰：「以吾宗廟之在魯也，有先君之服，未之能以服，有先君之器，未之能以出，敢固辭。」景公曰：「寡人有不腆先君之服，未之敢服，有不腆先君之器，未之敢用，請以饗乎從者。」昭公曰：「喪人其何稱？」景公曰：「孰君而無稱？」昭公於是噉然而哭，諸大夫皆哭。既哭，以人為菑，以幣為席，以鞶為几，以遇禮相見。孔子曰：「其禮與其辭足觀矣。」

形容

菑側其反又
側吏反太學
辟雍作側字
辟不歷反一
音呼闢反
孔子之意蓋
曰其禮與辭
則是其守國

傳言弒者從昭公之辭。昭公素畏季氏，意者以為如人君。故言弒禮。天子外闕，兩觀諸侯內闕，一觀大夏。夏樂也。繫馬曰維，繫牛曰婁。季氏專賞罰。

得民衆之心已久。民順從之。猶牛馬之於委食已者。恐民必不從君命也。弔亡國曰唁。顛猶今叩頭。慶賀也。餒熟食。饗熟食。糗糒也。有夫不祥。猶曰人皆有夫不善也。行禮賓主當各有所稱。時齊侯以諸侯遇禮接昭公。昭公自謙失國。不敢以故稱自稱。故執謙問之。孰君而無稱。猶曰誰為君者而言無所稱乎。噉然哭聲。感景公言而自傷也。菑周埒垣也。所以分別內外。衛威儀也。幣車覆笭。即式也。其禮與其辭足觀矣。言昭公素能若此。禍不至是。

冬十月戊辰叔孫舍卒

十有一月己亥宋公佐卒于曲棘

曲棘者何宋之邑也諸侯卒其封內不地此何

以地憂內也

時宋公聞昭公見逐欲憂納之。至曲棘而卒。故恩錄

十有二月齊侯取運

外取邑不書此何以書為公取之也

二十有六年春王正月葬宋元公

三月公至自齊居于運

夏公圍成

秋公會齊侯莒子邾婁子杞伯盟于剗陵公至自

會居于運

九月庚申楚子居卒

冬十月天王入于成周

剗音專本亦作專

成周者何東周也其言入何不嫌也

王猛自號王城為西

周天下因謂成周為東周。据入者篡辭。上有天王之文。下雖言入。不嫌為篡。入者起其難也。

尹氏召伯毛伯以王子朝奔楚

二十有七年春公如齊公至自齊居于運

夏四月吳弑其君僚

楚殺其大夫卻宛

去逆

秋晉士鞅宋樂祁犁衛北宮喜曹人邾婁人滕人

會于扈

冬十月曹伯午卒

快本又作噲

邾婁快來奔

邾婁快者何邾婁之大夫也邾婁無大夫此何

以書以近書也

說與鼻我同義

公如齊公至自齊居于運

二十有八年春王正月葬曹悼公

公如晉次于乾侯

夏四月丙戌鄭伯甯卒

六月葬鄭定公

秋七月癸巳滕子甯卒

甯左穀作寧

冬葬滕悼公。

二十有九年春，公至自乾侯，居于運。

齊侯使高張來唁公。

公如晉，次于乾侯。

夏四月，庚子，叔倪卒。

秋七月。

冬十月，運潰。昭公居運，潰則其不能復國明矣。

邑不言潰，此其言潰何？郭之也。曷為郭之？君存

焉爾。郭，郭也。郭之，猶曰國之。但古今異語也。國曰潰。邑曰叛。公居之，故從國言也。不言

國之言郭之者。公失國也。

三十年春，王正月，公在乾侯。

夏六月，庚辰，晉侯去疾卒。

秋八月，葬晉頃公。頃

禹穀作羽

冬十有二月，吳滅徐。徐子章禹奔楚。

三十有一年春，王正月，公在乾侯。

季孫隱如會晉荀欒于適歷。

夏四月，丁巳，薛伯穀卒。

晉侯使荀欒唁公于乾侯。

欒本或作蹀，又作蹀。左作蹀，適于歷反。一音秋。

秋葬薛獻公

冬黑弓以濫來奔

文何以無邾婁通濫也。曷為通濫賢者子孫宜

有地也。賢者孰謂謂叔術也。何賢乎叔術讓國

也。其讓國奈何。當邾婁顏之時。邾婁女有為魯

夫人者。則未知其為武公與懿公與孝公幼顏

淫九公子于宮中。因以納賊。則未知其為魯公

子與邾婁公子與臧氏之母養公者也。君幼則

宜有養者。大夫之妾士之妻。則未知臧氏之母

者曷為者也。養公者必以其子入養臧氏之母

聞有賊以其子易公抱公以逃。賊至湊公寢而

弑之。臣有鮑廣父與梁買子者聞有賊趨而至

臧氏之母曰公不死也在是吾以吾子易公矣

於是負孝公之周愬天子天子為之誅顏而立

叔術反孝公于魯顏夫人者姬盈女也國色也

其言曰有能為我殺殺顏者吾為其妻叔術為

之殺殺顏者而以為妻有子焉謂之盱戶雅父者

其所為有於顏者也盱幼而皆愛之食必坐二

弓左穀作

濫力甘反

又力暫反

叙事詳核

如詰寫景

生動如四

此自春秋

前事故作

傳疑語更

媿之可聽

處之遊戲

三未知如

村老語古

事不必盡

記

形容

愬本亦作

妻嫂事可

無載

財許于反

春秋左傳卷之五

形容

以米二字
成句陡絕

父元猶言
老者

有此辨證
更增色然

國色國賢
恰對

子於其側而食之有珍怪之食肝必先取足焉

夏父曰句法以來人未足而肝有餘叔術覺焉曰嘻

此誠爾國也夫起而致國于夏父夏父受而中

分之叔術曰不可三分之叔術曰不可四分之

叔術曰不可五分之然後受之公扈子者邾婁

之父兄也習乎邾婁之故其言曰惡有言人之

國賢若此者乎若銜若續誅顏之時天子死叔術起而致

國於夏父當此之時邾婁人嘗被兵于周日何

故死吾天子通濫則文何以無邾婁天下未有

濫也天下未有濫則其言以濫來奔何叔術者

賢大夫也絕之則為叔術不欲絕不絕則世大

夫也大夫之義不得世故於是推而通之也通濫

為國故使無所繫叔術者邾婁顏公之弟也孝

公者不知邾婁外孫邪將妾子邪古考諸侯一

娶九女二國媵之而邾婁一國并有九女於魯

宮內者蓋所取於邾婁相通為九人不必盡是

一人妻矣則未知其為魯公子與者為內通於

魯公子也弑弑臧氏子也不知欲弑孝公者納
篡邪將利其國邪姬盈女者謂此姬是盈姓之
女殺顏者鮑廣父梁買子也有於顏為顏公夫
人時所為顏公生也以來猶曰以彼物來置我
前人夏父自謂也公扈子當夫子作春秋時於
邾婁君為父兄行者故故事也言叔術本欲讓
迫有誅顏天子在爾故天子死則讓無妻嫂惑

見爭食之事。何故死吾天子。猶曰何故死畜吾天子乎。以違生時命而立夏父。故也。此天子死則讓之效也。國未有口繫於人者。若通濫是國。宜應特達。何故文上無邾婁而已。其口仍繫邾婁言之。天下未有濫者。天下實未有濫國。春秋新通之爾。故口繫於邾婁也。絕之。絕濫於邾婁也。推猶因也。因就大夫竊邑奔文通之。則大夫不世。叔術賢心不欲自絕。兩明矣。

十有二月辛亥朔日有食之

三十有二年春王正月公在乾侯

取闕

闕者何邾婁之邑也曷為不繫乎邾婁諱亟也

與取濫為亟也。二年之間。比取兩邑。故以為亟而諱之矣。

夏吳伐越

秋七月

冬仲孫何忌會晉韓不信齊高張宋仲幾衛世叔

申鄭國參曹人莒人邾婁人薛人杞人小邾婁人

城成周

十有二月己未公薨于乾侯

皇明天啓元年春正月烏程閔齊伋遇五父裁注

世左穀作
大左無邾
婁人字



春秋公羊傳

定公

元年春王

趣

定何以無正月。正月者，正即位也。定無正月者，即位後也。即位何以後。昭公在外，得人不得入，未可知也。曷為未可知。在季氏也。定哀多微辭。主人習其讀而問其傳，則未知已之有罪焉爾。

主人定哀也。設使定哀習其經而讀之，問其訓詁，則不知已之有罪於是。慎之至也。

幾或作機

三月晉人執宋仲幾于京師

叢素戈反
一或作豪
一或音初
危反

仲幾之罪何。不蓑城也。其言于京師何。伯討也。

伯討則其稱人何。貶曷為貶。不與大夫專執也。

曷為不與。實與而文不與。文曷為不與。大夫之

義不得專執也。

禮諸侯為天子治城。各有分丈尺。蓑城若今以草衣城也。

夏六月癸亥公之喪至自乾侯。戊辰公即位。

○癸亥公之喪至自乾侯。則曷為於戊辰之日然

後即位。正棺於兩楹之間。然後即位。子沈子曰。

定君乎國。然後即位。即位不日。此何以日。錄乎

內也。

正棺云云。公死於外。不得以君臣禮治其喪。故始死之禮。喪人五日。嗣子大

夫授杖已訖。可以即位。正其臣矣。定君乎國。定昭公之喪禮於國也。錄乎內者。詳錄內事。善得五日變禮也。

秋七月癸巳葬我君昭公。

九月大雩。

立煬宮。

餘亮

煬宮者何。煬公之宮也。立者何。立者不宜立也。

立煬宮非禮也。

煬公春秋前公也。

冬十月實霜殺菽。

何以書記異也。此災菽也。曷為以異書。異大乎。

災也。異者可以為人戒也。重異不重災。君子所以貴教化而賤刑罰也。

二年春王正月

夏五月壬辰雉門及兩觀災。

△其言雉門及兩觀災何。兩觀微也。然則曷為不言雉門災及兩觀主災者。兩觀也。時災者兩觀則曷為後言之。不以微及大也。何以書記災也。

雉門兩觀皆天子之制。門為其主。觀為其飾。故曰微。

秋楚人伐吳

冬十月新作雉門及兩觀

△其言新作之何。修大也。修舊不書。此何以書。譏

何譏爾不務乎。也。務勉也。

三年春王正月公如晉至河乃復

三月辛卯邾婁子穿卒

夏四月

秋葬邾婁莊公

冬仲孫何忌及邾婁子盟于枝

四年春王二月癸巳陳侯吳卒

三月公會劉子晉侯宋公蔡侯衛侯陳子鄭伯許

枝二傳作

叢素戈反
一或作豪
一或音初
危反

仲幾之罪何。不叢城也。其言于京師何。伯討也。伯討則其稱人何。貶曷為貶。不與大夫專執也。曷為不與。實與而文不與。文曷為不與。大夫之義不得專執也。禮諸侯為天子治城。各有分寸。尺。叢城。若今以草衣城也。

夏六月癸亥公之喪至自乾侯。戊辰公即位。

○癸亥公之喪至自乾侯。則曷為於戊辰之日然

後即位。正棺於兩楹之間。然後即位。子沈子曰。

定君乎國。然後即位。即位不日。此何以日。錄乎

內也。正棺云者。昭公死於外。不得以君臣禮治其喪。故示盡始死之禮。喪人五日。嗣子大

夫授杖已訖。可以即位。正其臣矣。定君乎國。定昭公之喪禮於國也。錄乎內者。詳錄內事。善得五日變禮也。

秋七月癸巳葬我君昭公。

九月大雩。

立煬宮。餘亮

煬宮者何。煬公之宮也。立者何。立者不宜立也。

立煬宮非禮也。煬公春秋前公也。

冬十月實霜殺菽。

何以書記異也。此災菽也。曷為以異書。異大乎。

災也。異者可以為人戒也。重異不重災。
君子所以貴教化而賤刑罰也。

二年春王正月

夏五月壬辰雉門及兩觀災。

△其言雉門及兩觀災何。兩觀微也。然則曷為不言雉門災及兩觀主。災者兩觀也。時災者兩觀則曷為後言之。不以微及大也。何以書記災也。

雉門兩觀皆天子之制。門為其主。觀為其飾。故曰微。

秋楚人伐吳

冬十月新作雉門及兩觀

△其言新作之何。修大也。修舊不書。此何以書。譏

何譏爾。不務乎公室也。
務勉也。

三年春王正月公如晉至河乃復

三月辛卯邾婁子穿卒

夏四月

秋葬邾婁莊公

冬仲孫何忌及邾婁子盟于枝

四年春王二月癸巳陳侯吳卒

三月公會劉子晉侯宋公蔡侯衛侯陳子鄭伯許

枝二傳作

二傳無歸
字姓音生
又音性

浩戶老反
又古老反
油音由又
羊又反二
傳作臯
戊音茂又
音恤二傳
作成

國名呂反
左氏作圍
虞本或作
吳音虞

伯莒左作
栢舉穀作
伯舉

男曹伯、莒子、邾婁子、頓子、胡子、滕子、薛伯、杞伯、小邾婁子、齊國、夏于召陵、侵楚。

夏四月、庚辰、蔡公孫歸、姓帥師滅沈、以沈子嘉歸、殺之。

五月、公及諸侯盟于浩油、杞伯戊卒于會。

六月、葬陳惠公。

許遷于容城。

秋、七月、公至自會。

劉卷卒。

劉卷者何、天子之大夫也、外大夫不卒、此何以

卒、我主之也。劉卷即上會劉子。召陵之經序之於上。此言主之。主會明矣。

葬杞悼公。

楚人圍蔡。

晉士鞅、衛孔圉、帥師伐鮮虞。

葬劉文公。

外大夫不書葬、此何以書、錄我主也。其實以主我恩錄之。

冬、十有一月、庚午、蔡侯以吳子及楚人戰于伯莒。

楚師敗績。

起處公簡
挺毅鮮宥
各成其致
揆音協又
子協反

峻異
士字或即
穀梁大字
誤然士字
固自妙

卸以并反
又以政反

蔡非有罪
二語公勝
于毅

以子胥語
還斷子胥
妙甚有慧
心慧舌者
善論

迥音峻又
音巡

春秋公三傳

吳何以稱子夷狄也。而憂中國。其憂中國奈何。

伍子胥父誅乎楚。挾弓而去。楚以干闥廬闔廬

曰。士之甚勇之甚。將為之興師而復讎于楚。伍

子胥復曰。諸侯不為匹夫興師。且臣聞之事君

猶事父也。虧君之義。復父之讎。臣不為也。於是

止。蔡昭公朝乎楚。有美裘焉。囊瓦求之。昭公不

與。為是拘昭公於南郢。數年。然後歸之。於其歸

焉。用事乎河。曰。天下諸侯苟有能伐楚者。寡人

請為之前列。楚人聞之。怒。為是興師。使囊瓦將

而伐蔡。蔡請救于吳。伍子胥復曰。蔡非有罪也。

楚人為無道。君如有憂中國之心。則若時可矣。

於是興師而救蔡。曰。事君猶事父也。此其為可

以復讎奈何。曰。父不受誅。子復讎可也。父受誅

子復讎。推刃之道也。復讎不除害。朋友相衛而

不相迥。古之道也。士之甚賢。士之甚也。興師必

私。而以匹夫興師討諸侯。則不免為亂矣。故曰。

虧君之義。若時若。是時也。不受誅。罪不當誅也。

一往一來。曰。推刃。復讎不除害者。取讎身而已。不得兼讎子復。將恐害已而殺之也。同門曰。朋。同志曰。友。迥。出表辭。猶先也。大司馬田獵習戰之時。為表百步。則一為三表。又五十步為一表。

春秋公三傳定公

然則表者。謂其戰時旅進旅退之限約。迥者。謂不顧步伍。勉力先往之意。不當先相擊刺者。所以伸孝子之恩也。

楚囊瓦出奔鄭

楚左作年庚辰吳入楚

△吳何以不稱子。反夷狄也。其反夷狄奈何。君舍於君室。大夫舍於大夫室。蓋妻楚王之母也。

正二傳作三

五年春王正月辛亥朔日有食之夏歸粟于蔡

孰歸之。諸侯歸之。曷為不言諸侯歸之。離至不

可得而序。故言我也。

離至。義見襄五年冬。戊陳傳。

△於越入吳

於越者何。越者何。於越者。未能以其名通也。越

者。能以其名通也。

越人自名於越。君子名之曰越。治國有狀。能與中國通者。以中國之辭言之。曰越。治國無狀。不能與中國通者。以其俗辭言之。因其俗。可以見善惡。故云。

六月丙申季孫隱如卒

秋七月壬子叔孫不敢卒

冬晉士鞅帥師圍鮮虞

六年春王正月癸亥鄭游遨帥師滅許以許男斯

遊二傳作速

歸

二月、公侵鄭、公至自侵鄭、

夏季、季孫斯仲孫何忌如晉、

秋、晉人執宋行人樂祁犁、

冬、城中城、

季孫斯仲孫忌帥師圍運、

此仲孫何忌也、曷為謂之仲孫忌、譏二名、二名

非禮也、

為其難諱也。一字為名。令難言而易諱。所以長臣子之敬。不逼下也。春秋定哀之間。文致太平。欲見王者治定。無所復為譏。唯有二名。故譏之也。

七年、春、王正月、

夏、四月、

秋、齊侯鄭伯盟于鹹、

齊人執衛行人北宮結以侵衛、

齊侯衛侯盟于沙澤、

大雩、

齊國夏帥師伐我西鄙、

九月、大雩、

冬、十月、

二傳無澤字

八年春王正月公侵齊公至自侵齊

二月公侵齊三月公至自侵齊

曹伯露卒

夏齊國夏帥師伐我西鄙

公會晉師于瓦公至自瓦

秋七月戊辰陳侯柳卒

晉趙鞅帥師侵鄭遂侵衛

葬曹靖公

九月葬陳懷公

季孫斯仲孫何忌帥師侵衛

冬衛侯鄭伯盟于曲濮

從祀先公

從祀者何順祀也文公逆祀去者三人定公順

祀叛者五人逆祀義見文二年躋僖公傳順祀者復文公之逆祀也諫不從而去

諫不以禮而去曰叛不言從祀僖公而言先公者正以閔公亦得其順是以不得特指之

盜竊寶玉大弓

盜者孰謂謂陽虎也陽虎者曷為者也季氏之宰也季氏之宰則微者也惡乎得國寶而竊之

趙左穀作上

逆祀以家禮而廢國法順祀以反古而揚祖短此與築之譏毀之譏同旨

叙事頗精英然別是一家

筆機踴躍文情生動

春秋左傳定公

一再讀之
宛然如目
賭

侵七廉反
又且審反
本或作銀

圍布古反
又音字本
又作甫

職注疏無
訓按韻書
云視也或
俄通

形容

驟素動反
本又作揪
字書無此
字相承用
之莊作嚴

說本又作
稅始銳反
又他會反
叙次如觀
趣七欲反
又七住反

懂僅同

史記東方
朔上書凡
用三千奏
牘公車令
兩人共持
舉其書僅
然能勝之
僅然豈出
於此與抑
漢人語乎

陽虎專季氏季氏專魯國陽虎拘季孫孟氏與
叔孫氏迭而食之戰而侵其板曰某月某日將
殺我于蒲圃力能救我則於是至乎日若時而
出臨南者陽虎之出也御之於其乘焉季孫謂
臨南曰以季氏之世世有子子可以不免我死
乎臨南曰有力不足臣何敢不勉陽越者陽虎
之從弟也為右諸陽之從者車數十乘至于孟
衢臨南投策而墜之陽越下取策臨南驟馬而
由乎孟氏陽虎從而射之矢著于莊門然而甲

起於琴如絃不成却反舍于郊皆說然息或曰

絃千乘之主而不克舍此可乎陽虎曰夫孺子

得國而已如丈夫何戰而曰彼哉彼哉趣駕既

駕公斂處父帥師而至懂然後得免自是走之

晉寶者何璋判白弓繡質龜青純鉞其板以爪刻其饋器之

上斂藏衣物之盖板於是於是時也臨南虎之

外生或曰從其家出而仕於公也御之為季孫

御也為右為季孫車右實衛之也孟衢孟氏衢

四達可以橫去策馬捶也驟馬捶馬銜走也莊
門孟氏所入門名甲公斂處父所帥也琴如地
名二家知出期故於是時起兵說解舍也望見
公斂處父師而曰彼哉再言之者切遠意判半
也半珪曰璋白藏天子青藏諸侯魯得郊天故

錫以白。質拊也。純緣也。謂緣甲髯也。千歲之龜青髯

九年春王正月

蠻勅邁反
左作蠻

夏四月戊申鄭伯蠆卒

得寶玉大弓

何以書國寶也喪之書得之書

爽挺

六月葬鄭獻公

秋齊侯衛侯次于五氏

秦伯卒

冬葬秦哀公

十年春王三月及齊平

類左作夾

夏公會齊侯于類谷公至自類谷

晉趙鞅帥師圍衛

田上穀有
之字

齊人來歸運謹龜陰田

齊人曷為來歸運謹龜陰田孔子行乎季孫三

月不違齊人為是來歸之

孔子仕魯政事行乎
季孫三月之中不見

違
過

叔孫州仇仲孫何忌帥師圍郕

后

秋叔孫州仇仲孫何忌帥師圍費

左穀此費
字俱作郕

春秋左傳卷之十

世字有作
泄字者左
穀作大
池左穀作
地下同
鞏左穀作
安甫

宋樂世心出奔曹

宋公子池出奔陳

冬齊侯衛侯鄭游邀會于鞏

叔孫州仇如齊

宋公之弟辰暨宋仲佗石彊出奔陳

十有一年春宋公之弟辰及仲佗石彊公子池自

陳入于蕭以叛

夏四月

秋宋樂世心自曹入于蕭

冬及鄭平叔還如鄭莅盟

十有二年春薛伯定卒

夏葬薛襄公

叔孫州仇帥師墮郕

衛公孟彊帥師伐曹

季孫斯仲孫何忌帥師墮費

曷為帥師墮郕帥師墮費孔子行乎季孫三月

不違曰家不藏甲邑無百雉之城於是帥師墮

郕帥師墮費雉者何五板而堵五堵而雉百雉

而城。邠叔孫氏所食邑。費季氏所食邑。二大夫宰吏數叛。患之。以問孔子。孔子曰。陪臣執國命。采長數叛者。坐邑有城池之固。家有甲兵之藏。故也。季氏悅其言而墮之。八尺曰板。

秋大雩

晉二傳作齊

冬十月癸亥公會晉侯盟于黃

十有一月丙寅朔日有食之

公至自黃

十有二月公圍成公至自圍成

十有三年春齊侯衛侯次于垂瑛

夏築蛇淵圃

穀無衛侯二字瑕二傳作葭

大蒐于比蒲

衛公孟彊帥師伐曹

秋晉趙鞅入于晉陽以叛

冬晉荀寅及士吉射入于朝歌以叛

晉趙鞅歸于晉

二傳無及字

此叛也其言歸何以地正國也其以地正國奈何晉趙鞅取晉陽之甲以逐荀寅與士吉射荀寅與士吉射者曷為者也君側之惡人也此逐君側之惡人曷為以叛言之無君命也軍以井田立數

古之制也。假令天子六軍。方伯二軍之屬。皆以井田多少。計出其數。故曰軍以井田立數也。今趙鞅以此井田之兵。逐君側之惡人。故云以地正國也。

薛弒其君比。

十有四年春。衛公叔戌來奔。

晉左作衛

晉趙陽出奔宋。

公子二傳作公孫

三月辛巳。楚公子結。陳公子佗。人帥師滅頓。以頓

辨

子糴歸。

夏。衛比官結來奔。

醉或作雋二傳作構

五月。於越敗吳于醉。李吳子光卒。

堅二傳作牽一作擊

公會齊侯。衛侯于堅。公至自會。

秋。齊侯。宋公會于洮。

天王使石尚來歸脤。

石尚者何。天子之士也。脤者何。俎實也。腥曰脤。

燔木亦作膾

熟曰燔。俎實實。俎肉也。

衛世子蒯聩出奔宋。

衛公孟彊出奔鄭。

宋公之弟辰自蕭來奔。

大蒐于比蒲。

邾婁子來會公

城莒父及霄

十有五年春王正月邾婁子來朝

麋鼠食郊牛牛死改卜牛

曷為不言其所食漫也漫者徧食其身災不敬也

二月辛丑楚子滅胡以胡子豹歸

夏五月辛亥郊

曷為以夏五月郊三卜之運也

卜夏三月周五月也。得二吉。故五月郊也。易曰。再三瀆。瀆則不告。不得其事。雖吉。猶不當為也。

運轉也。已卜春二正。不吉。復轉

壬申公薨于高寢

鄭軒達帥師伐宋

齊侯衛侯次于蘧條

邾婁子來奔喪

其言來奔喪何奔喪非禮也

秋七月壬申姒氏卒

姒氏者何哀公之母也何以不稱夫人哀未君

也母以子貴未踰年不得稱公爾

八月庚辰朔日有食之

軒二傳作罕
蘧二傳作渠

姒穀作弋

九月、滕子來會葬。

吳穀作稷

丁巳、葬我君定公、雨、不克葬。戊午、日下、吳乃克葬。辛巳、葬定姒。

定姒何以書葬、未踰年之君也。有子則廟、廟則

書葬。哀未踰年也。母以子貴。故以子正之。

冬、城漆。

皇明天啓元年春正月烏程閔齊伋遇五父裁注



春秋公羊傳

○哀公

元年春王正月公即位

楚子、陳侯、隨侯、許男、圍蔡。

麇、鼠食郊牛、改卜牛。

夏四月辛巳郊。

秋齊侯、衛侯伐晉。

冬仲孫何忌帥師伐邾婁。

二年春王二月季孫斯、叔孫州仇、仲孫何忌帥師

穀梁郊牛下有角字

伐邾婁取濶東田及沂西田癸巳叔孫州仇仲孫何忌及邾婁子盟于句繹

夏四月丙子衛侯元卒

滕子來朝

晉趙鞅帥師納衛世子蒯瞶于戚

戚者何衛之邑也曷為不言入于衛父有子子

不得有父也

父得有子而廢之子不得有父之所有故奪其國文正其義也

秋八月甲戌晉趙鞅帥師及鄭軒達帥師戰于栗

鄭師敗績

栗一作秩左穀作鐵

冬十月葬衛靈公

十有一月蔡遷于州來蔡殺其大夫公子駟

三年春齊國復衛石曼姑帥師圍戚

齊國復曷為與衛石曼姑帥師圍戚伯討也此

其為伯討奈何曼姑受命乎靈公而立輒以曼

姑之義為固可以距之也輒者曷為者也蒯瞶

之子也然則曷為不立蒯瞶而立輒蒯瞶為無

道靈公逐蒯瞶而立輒然則輒之義可以立乎

曰可其可奈何不以父命辭王父命以王父命

義則逆矣
而文殊號
宕可喜

辭父命是父之行乎子也不以家事辭王事以
日伯討者推曼姑得拒之則國
王事辭家事是上之行乎下也
夏宜討之矣辭猶不從也靈公命行乎蒯聩重本尊統之義也以父見廢故辭讓不立是家私事聽靈公命立是王事公法也

夏四月甲午地震

五月辛卯桓宮僖宮災

此皆毀廟也其言災何復立也曷為不言其復
立春秋見者不復見也何以不言及敵也何以
書記災也
親過高祖親疏適等故曰敵

開二傳作
啓此為漢
景帝諱作
開

季孫斯叔孫州仇帥師城開陽

宋樂髡帥師伐曹

秋七月丙子季孫斯卒

蔡人放其大夫公孫獵于吳

冬十月癸卯秦伯卒

叔孫州仇仲孫何忌帥師圍邾婁

四年春王三月庚戌盜弑蔡侯申

弑君賤者窮諸人此其稱盜以弑何賤乎賤者

也賤乎賤者孰謂謂罪人也
賤乎賤者賤於稱人者矣

三左作
二弑左作
殺

妙句

蔡公孫辰出奔吳

葬秦惠公

宋人執小邾婁子

夏蔡殺其大夫公孫歸姓生公孫霍

晉人執戎曼子赤歸于楚

赤者何戎曼子之名也其言歸于楚何子比宮

子曰辟伯晉而京師楚也直言晉侯執戎曼子歸于楚即是伯者執

人歸京師無異故名戎子以避之使若晉非伯執而赤微者自歸於楚爾

城西郭

曼二傳作

妙句

蒲二傳作

六月辛丑蒲社災

蒲社者何亡國之社也社者封也其言災何亡

國之社蓋揜之揜其上而柴其下蒲社災何以

書記災也蒲亡國之名天子滅之以封伯禽封

言其災何柴其下故得燒之也揜柴之者絕不得使通天地四方以為有國者戒

秋八月甲寅滕子結卒

冬十有二月葬蔡昭公

葬滕頃公傾

五年春城比

比二傳作

春秋左傳卷之八

處二傳作
杵

夏齊侯伐宋

晉趙鞅帥師伐衛

秋九月癸酉齊侯處曰卒

冬叔還如齊

閏月葬齊景公

閏不書此何以書喪以閏數也喪曷為以閏數

喪數略也

喪服大功以下諸喪當以閏月為數略猶殺也言大功以下之喪所以得

數閏月者正以恩殺故也

六年春城邾婁葭

二傳作城
和瑕

居喪之禮以月數者數閏以年數者雖有閏無與於數也

晉趙鞅帥師伐鮮虞

吳伐陳

夏齊國夏及高張來奔

叔還會吳于柤

秋七月庚寅楚子軫卒

齊陽生入于齊齊陳乞弒其君舍

弒而立者不以當國之辭言之此其以當國之

辭言之何為諛也此其為諛奈何景公謂陳乞

曰吾欲立舍何如陳乞曰所樂乎為君者欲立

舍二傳作
茶音舒

通篇以為諛作主前後無處非諛只千乘之主數語似肝鬲之言然此後乞執國政

一再傳而
姜滅陳興
惡知數語
非汲於讓
者乎
結撰做說
動目

辭命

形容

運筆論異

色如字本
又作塊居
委反又或
作危
闖丑禁反

形容

住得妙

之。則立之。不欲立。則不立。君如欲立之。則臣請
立之。陽生謂陳乞曰。吾聞子蓋將不欲立我也。
陳乞曰。夫千乘之主。將廢正而立不正。必殺正
者。吾不立子者。所以生子者也。走矣。與之玉節
而走之。景公死而舍立。陳乞使人迎陽生于諸
其家。除景公之喪。諸大夫皆在朝。陳乞曰。常之
母有魚菽之祭。願諸大夫之化我也。諸大夫皆
曰。諾。於是皆之。陳乞之家坐。陳乞曰。吾有所為
甲。請以示焉。諸大夫皆曰。諾。於是使力士舉巨

囊。而至于中霤。諸大夫見之。皆色然。而駭開之。
則闖然。公子陽生也。陳乞曰。此君也。已。諸大夫
不得已。皆浚巡。北面再拜稽首。而君之爾。自是
往。弑舍。截。然。後當迎之。合以為信。防稱矯也。于諸。寘
也。齊人語也。常。陳乞子。重難言其妻。故云常之
母。化我。義見。桓六年。傳彼以州公過魯。而無禮
謂之化我。今此亦以魚菽之薄物。枉屈諸大夫
之貴重。亦是無禮相過之義。故謂之化我也。甲
鎧也。中央曰中霤。色然。驚駭貌。闖。馬出門貌。

冬仲孫何忌帥師伐邾婁
宋向巢帥師伐曹

春秋左傳卷之六 哀公

七年春宋皇瑗帥師侵鄭

晉魏曼多帥師侵衛

鄆殺作繒
夏公會吳于鄆

秋公伐邾婁八月己酉入邾婁以邾婁子益來

入不言伐此其言伐何內辭也使若他人然

婁子益何以名絕曷為絕之獲也曷為不言其

獲內大惡諱也諱獲諸侯故不舉重而兩書使若魯公伐而去他人入之以來

者醇順他人來文

宋人圍曹

冬鄭駟弘帥師救曹

八年春王正月宋公入曹以曹伯陽歸

曹伯陽何以名絕曷為絕之滅也曷為不言其

滅諱同姓之滅也何諱乎同姓之滅力能救之

而不救也

吳伐我

夏齊人取讎及僂

外取邑不書此何以書所以賂齊也曷為賂齊

為以邾婁子益來也

僂二僂作
闡下同

歸邾婁子益于邾婁

秋七月

冬十有二月癸亥杞伯過卒

齊人歸讎及僇

九年春王二月葬杞僖公

宋皇瑗帥師取鄭師于雍丘

其言取之何易也其易奈何詐之也

夏楚人伐陳

秋宋公伐鄭

冬十月

十年春王二月邾婁子益來奔

公會吳伐齊

三月戊戌齊侯陽生卒

夏宋人伐鄭

晉趙鞅帥師侵齊

五月公至自伐齊

葬齊悼公

衛公孟彊自齊歸于衛

寅二傳作夷

薛伯寅卒

秋葬薛惠公

冬楚公子結帥師伐陳吳救陳

十有一年春齊國書帥師伐我

夏陳袁頗出奔鄭

袁二傳作轅

五月公會吳伐齊甲戌齊國書帥師及吳戰于艾

陵齊師敗績獲齊國書

秋七月辛酉滕子虞母卒

冬十有一月葬滕隱公

衛世叔齊出奔宋

十有二年春用田賦

何以書譏何譏爾譏始用田賦也

田謂一井之田賦者斂取

其財也言用田賦者若今漢家斂民錢以田為率矣

夏五月甲辰孟子卒

孟子者何昭公之夫人也其稱孟子何諱娶同

姓蓋吳女也

公會吳于橐臯

秋公會衛侯宋皇瑗于運

運二傳作節

宋向巢帥師伐鄭

冬十有二月，螻。

何以書記異也，何異爾，不時也。

十有三年春，鄭軒達帥師取宋師于岳。

其言取之何易也，其易奈何，詐反也。前宋行詐取鄭師。今

鄭復行詐取之。苟相報償。故言詐反。反猶報也。

夏，許男戍卒。

公會晉侯及吳子于黃池。

吳何以稱子，吳主會也。吳主會，則曷為先言

侯不與夷狄之主中國也，其言及吳子何會。

伯之辭也，不與夷狄之主中國，則曷為以會。

伯之辭言之，重吳也。曷為重吳，吳在是，則天

諸侯莫敢不至也。時吳疆而無道，敗齊臨菑，垂勝大會中國。齊晉前驅，魯衛

駢乘。滕薛挾轂而趨。恥甚，不可忍言。故深為諱辭。晉序上者，主會文也。吳言及者，亦人往為

文之

楚公子申帥師伐陳。

於越入吳。

秋，公至自會。

魏多左穀
作魏曼多

晉魏多帥師侵衛

此晉魏曼多也。曷為謂之晉魏多。譏二名二名

非禮也。復就晉見者。明先自正而後正人。正人當先正大以帥小

葬許元公

九月蠛

冬十有一月有星孛于東方

孛者何。彗星也。其言于東方何。見于旦也。何以

書記異也。日方出時。宿不復見。故言東方。知為旦

盜殺陳夏彊夫

區彊左穀作

十有二月蠛

一有四年春西狩獲麟

三段各不相粘

何以書記異也。何異爾。非中國之獸也。然則莫

狩之。薪采者也。薪采者則徵者也。曷為以狩言

之。大之也。曷為大之。為獲麟大之也。曷為為獲

麟大之。麟者仁獸也。有王者則至。無王者則不

至。有以告者曰。有麇而角者。孔子曰。孰為來哉。

孰為來哉。反袂拭面。涕沾袍。顏淵死。子曰。噫。天

喪予。子路死。子曰。噫。天祝予。西狩獲麟。孔子曰。

袍亦有作
衿者
挿入顏淵
子路非止
文有波瀾

實證之
妙解也

此下二段
如題跋語

散場語
更省複而
迂曲幽微
而柔儒令
人冷然以
思三復而
有餘致

陳淵父曰
此何依據
緯書曲證
此事

吾道窮矣。春秋何以始乎隱。祖之所逮聞也。所見異辭。所聞異辭。所傳聞異辭。何以終乎哀。十四年。曰。備矣。君子曷為為春秋。撥亂世。反諸正。莫近諸春秋。則未知其為是。與其諸君子樂道。堯舜之道。與末不亦樂乎。堯舜之知君子也。春秋之義。以俟後聖。以君子之為。亦有樂乎。此也。叔孫氏之車子鉏商。樵于野而獲麟焉。以為不祥。棄之。五父之衢。冉有告孔子曰。有麇。角。豈天下之妖乎。夫子曰。今何在。吾將觀焉。往。謂其御高柴曰。若求之言。其必麟乎。曰。視曰。今宗周將滅。無主。孰為來哉。茲日麟出。而吾道窮矣。乃作歌曰。唐虞之世。麟鳳遊。今非其

時來何由。麟。麟。今我心憂。得麟之後。天下血。書魯端門曰。趨作法。孔聖沒。周姬亡。豈東出。政起。胡破術。書記散。孔不絕。子夏明日。仁。血書飛為赤鳥。化為白書。署曰。演孔圖。中。圖制法之狀。演孔圖云。獲麟而作春秋。九月。成。祝。斷也。則未知云者。謙不敢斥言也。末不亦樂乎云者。何注以為末不亦樂。後有聖漢。受命而王。德如堯舜者。知孔子之制作也。疏解云。孔子之道。既與堯舜雅合。故得與堯舜相對為始。未。然則指孔子言不亦也。堯舜預知有已而道術已亦預制春秋。以授後人。是孔子亦愛慕堯舜之知君子而效之爾。以君子之為云者。謂孔子所以作春秋。亦樂此。春秋之道。可以末法故也。

皇明天啓元年春正月烏程閔齊伋遇五父裁注



永新公集



